

臺灣詩報

第一卷
第二期

幾人亦有限，立國自有疆，
尚能制侵陵，豈在多殺傷？

杜甫



臺北金街四號
增刊詩報

臺灣詩壇理監事名單

理事長 林獻堂
理事兼詩報社社長 黃純青

羅理	章士釗	梁寒操	李翼中	李子寬	鈕先銘	陳孝強	瞿荊洲
王復師	盛成	錢歌川	李宗侗	陳泮藻	張國鍵	陳少棠	
馬壽華	任先志	曹秋圃	吳夢周	杜仰山	林佛國	李建興	
倪炳煌	楊仲佐	黃贊鈞	陳廷植	李騰嶽	許劍亭	陳文石	
謝尊五	陳清秀	陳滿盈	賴惠川	賴子清	林子惠	廖學昆	
張一泓	殷聖作	王開運	駱香林	蕭永東	陳春林	鄭坤五	
盧纘祥	張運權	易君左	鄭寶璣	朱銘新	鄭逸梅	張方仁	
曹滙川	周治華	林衡道	劉征鴻	郭海鳴	會紀焜	會今可	
薩鎮冰	柳亞子	羅翼群	林爾嘉	鄭烈	陳季博	林逢甲	
張季熙	會昭承	陳必康	胥端甫	陳文彬	陳俊雄	施教堂	
陳定國	蘇清淇	李德和	石中英	毛一波	黃敦涵	吳承燕	

臺灣詩壇已交入社費之社友題名 (二)

張方仁 馬壽華 丘斌存 郭海鳴 陳逢源 辜振甫 王溫石 倪炳煊 吳夢周 蘇端淇 賴子清 吳天註
高文淵 王端明 王甘肅 杜鹿笙 陳天福 謝春鴻

又收到各社友捐款數目表 (二)

張方仁 八萬五千元 辜振甫 二萬元 修記 二萬元 倪炳煊 一萬元
陳逢源 一萬五千元 丘斌存 五千元 吳夢周 五千元

洗 戈

誠

(題李子寬先生西安變亂記事詩集)

虎穴鞞刀專已過，莫令歲月更蹉跎。
河山百戰收回後，要向蓬瀛一洗戈。

對月書感

羅卓英

今宵分外圓明月，十六年來馬上
看。汗血何須論代價？但期家國
兩平安。

拜讀「亂世吟草」後寄

今可社友

柳亞子

詩派西江一脈延，當年南社大名
傳。悲歌共仰今工部，才調直追
古謫仙。筆下貪官形畢露，眼中
亂世史詳編。憐君未遇知音者，
若得吹噓早上天。

承陳廷植謝雪漁黃贊鈞蔡
宜甫林清敦林熊祥魏潤庵
張希舜王溫石林述三陳少
棠李鷺村林學周諸耆宿賜
句未能一一奉答謹報二絕
以酬

李子寬

捧讀瑤章喜欲狂，瀛台蒼萃玉琳
瑯。詩人會并老人會，一代風流
媲美唐。
我來蓬島親耆宿，幾許吟豪立將
壇。筆陣縱橫誰鍛羽，江郎才盡
構思難。

法將孤拔墓

盛成

孤拔遺骨在雞籠，歐陽上將一炮
功。澎湖留有中軍墓，紀念碑頭
晚事空。

(註)清光緒十年，中法戰爭，法將孤拔爲東洋艦隊司令，
侵福州，敗福建艦隊，進攻澎湖，佔領媽宮，封鎖臺
灣；繼在基隆登陸，三犯滬尾，復據澎湖，相持八閱
月。法軍陣亡千餘，孤拔中將，卽爲歐陽見利所敗，
中炮卒。死於海上，葬於鷓鴣之東北海濱，地有法軍
陣亡將士之紀念墓碑。澎湖尙有：「佛國クルベ中將
之碑」。

金婚紀念

林獻堂

屠蘇酒熟慶金婚，淑氣東來滿草
門。且喜團圓宜室樂，敢誇伉儷

愛情敦。青山有約將偕隱，白髮
何曾出責言？五十年間如一日，
治家教子不辭煩。

春興

黃純青

屯山雪映野人家，春滿宮前(晴園地
名宮)
興倍賒。屋角風和椰解擗，
牆隅雨霽筍抽芽。一庭鷄犬黃昏
鬧，半畝桑麻白日斜。爲報晴園
消息好，凌寒梅樹正開花。

閒居

黃景南

功名不羨畫麒麟，大好龍峒寄此



身。庭角池塘看放鶴，門前道路任飛塵。且欣一室圖書古，來對羣峯面目真。粗糲能安妻子樂，清貧未悔作詩人。

讀易自勉

陳廷植

漫云易道學難知，祇爲因循未得師。占具象中須細玩，陽包陰外可深思。剛柔迭用徵休咎，寒暑代遷歲改移。闡發邵程朱最妙，折衷本義復奚疑。

遇雨書感

黃贊鈞

愁雲苦雨又今朝，白髮飄零晝寂寥。世事累人將淚墜，河山還我也魂銷。苟能飽暖心何患，已到衰頹志不驕。百歲如今還有幾？那堪風物久蕭條！

點絳脣

馬壽華

獨坐深閨，箇儂意緒君知否？歲寒三友，兩地情長久。翠袖低垂，往事頻回首。歸期有定沽芳酒，共賞丹青手。

題友人畫松

鈕先銘

天矯蒼虬背，森古定僧髭。不必
問年歲，知生盤古時。

十二月十九日端居偶成呈

同館諸君子

林熊祥

閉門休澣愛冬陽，炙背衰殘特味
長。世事勢應淹歲月，吾儕句要
挾風霜。一庭蟲蟄泥封樹，四野
煙開峯入牆。叔夜不堪猶署簿，
剩欣契合共家鄉。

豐子愷畫展

魏清德

傷時諷世筆端論，畫裏分明道自

尊。太上忘情天不語，大家看看
把心捫。

臺東旅夜

魏清德

山山岩壑莫雲生，處々人家弦月明。劫後瘡痍猶滿目，尊
前談笑若爲情。從來置戍兼招墾，此去修堤好力耕。夢醒
小庭椰葉職，長風吹送海濤聲。

關山

大道依山麓，清渠潄々傳。此間無俗慮，隨處有林泉。射
鹿身誇捷，聞猿地總偏。暖風村店酒，薄酌樂陶然。

關山花蓮港道上

山洪暴發決防隄，處處田園化作溪。計驛藉知程遠近。望
洋自辨路東西。斷橋無復通車轍，亂石真堪怯馬蹄。嚴祭
伐林與治水，官將有以慰黎黎。

新正書懷

林爾嘉

冬盡春回歲又新，避秦久客滬江濱，漫云樂莫不思蜀，子
衆孫多結比鄰。

爆竹頻聞三兩聲，春風楊柳舊江城，探梅花自成年例，莫

關周正與夏正。

杖頭錢恰飲屠蘇，羌野葡萄下月古，歷歲夏正卅六載，人

家依舊換桃符。

十年不是故園花，曾見與亡幾國家，今日猶存春節在，聞

尋野老話桑麻。

中秋原玉和晴園

主委

謝雪漁

江城風雨撼中秋，度曲嫦娥怨有樓，占險吉凶多不應，籌
策期滿大多收。

又

魏潤庵

颼風挾雨恰中秋，佳節難逢月入樓，我有半床書待讀，恐
防沾濕一齊收。

又

林熊祥

望斷嫺娟萬里秋，橫江風雨擺危樓，已傷令節蕭條逝，更
道陰晴係歲收。

新年偶成

會今可

行吟海外愧餘安，三戰光陰指一彈，學步休云民主易，放
言尙覺自由難，名山待立千秋業，亂世偏籌五日官，若問
新年如意事，喜無俗客到詩壇。

醉歌

(有序) 會今可

於爲歌劉中和兄壽筵，重晤篤社諸吟友，承約是夜留

宿鶯歌。筵終落君星散，追尋未得。乃就市上酒家再飲。賦寄鶯社諸君。

華堂珠履客三千，璀璨文光照壽筵。隔席傳杯飛盞興，追踪迷路失羣仙。重來有日詩同賭，一宿無緣感倍添。夜半誰憐孤客醉，鶯歌市上酒家眠？

六十自壽

羅翼羣

憶昔知非候，高吟十首詩。平生粗自備，雅故厚相期。日永身逾健，河清願更癡。興亡與有實，莠莠竟何之？
憤海垂垂老，吾才儻不賢。耐閑消日月，渴想靖烽煙。飢渴愧猶已，升沉休問天。十年仍喪亂，何處覓林泉！
釀得宜春酒，還思侍母筵。壺觴欣並奏，金石冀同堅。往事渾如夢，名心淡似煙。妻兒喜相對，小飲亦陶然。
每到艱虞會，難忘師友恩。分金懷鮑叔，擊楫想劉琨。
鶴澗松茂，離離原草繁。枯榮客自適，肝膽幾人存。
眠食尚如舊，遊觀時作歡。問年雖耳順，處境却心安。向不因入熱，惟知守歲寒。期頤豈難事，崇德更加餐。

通事吟

(詠吳鳳死事也)

李翼中

貞婦殉其夫，良吏殉其職。豈云重名節？其指要不匿。況復如其仁，百世食其德。海上阿里山，族來自番域。俗貴腰間劍，孔武爲其特。殺人祭於廟，唯向漢人弋。逼處莫誰何，朝夕不甯息。通事吳鳳君，理番始冠年。番依如洵沫，番悅稱聖賢。止殺教爲貴，奈何辱祖先。檢點死人頭，一一爲牲體。毋念爾祖德，亦得差安便。悠悠四八載，頭盡要剗鮮。出草歌(其俗將出軍男女相和而歌名出草歌)何雄，鼓行耀弓矢。通事口卒堵，百驢百不止。爲納取一頭，其人貌如此。頭上裹紅巾，身穿袍色紫。八月十日程，社子口邊侯。番衆鼓填然，應鼓倒地死。忽聞嗚咽聲，哀哀哭無已。何爲嗜殺人，竟殺我吳子。天長石不爛，吳子道行矣。三臺遂羣生，安讓延平美？

書感

鈕先銘

瀕別匡廬已兩年，荷延殘喘快賴遷。三更夢繞關山外，萬里神馳松菊前。縱使知難甯勇退，豈怨敢後未加鞭。興衰畢竟循環事，何日重登五老巔？

抗戰時因傷被俘囚

中感懷

陳孝強

廿載憐吟志未窮，滿懷正氣貫長虹。登樓欲擣長江浪，低首猶思太岳峯。血染沙場痕跡在，淚流心坎意圖空。世途變幻原無定，俠骨飄零到處雄。

時事感懷

謝汝銓

劫灰今尚幻紅羊，天作人爲世態狂。冀北駘蹄空迅疾，海南鷗鷺任翱翔。河山破碎難收拾，玉石同焚易感傷。四大天王何足恃，太平興國敢洪楊。

乙未割臺灣携眷歸 原籍龍溪五十餘年 今臺灣光復欲東渡 未能成行感賦四絕

菽莊 林爾嘉

看到瀛東復版圖，年過稀古老狂夫。故人來道故鄉事，無恙河山風景殊。

何幸他鄉遇故人，老余尤感七鯤身。回思五十年前事，飯熟黃梁莫愴神。

草綠王孫胡不歸？驚心航海怯飛機。肚皮不與時宜合，夢裡還家漸覺非。

不醉難教魂塊消，僵身物外且逍遙。祇今海上談瀛客，記取當年舊板橋。

次韻

潤庵 魏清德

草雞大耳奮雄圖，石井英風起濡夫。何幸河山仍我有，炎黃後裔本無殊。

滄桑甲子養鴛人，皂帽藜床老逸身。五十餘年真頃刻，喜將光復告明神。

憑誰誠信勸富隣，舊侶鷗群共息機。猶有世臣喬木在，故家門第未云非。

夕照江干薄靄消，數聲款乃水天遙。萬家燈火輝煌裡，兩岸繁華是板橋。

次韻

晴園 黃純青

大遼制首復版圖 大遼觀音兩山排 詩有與約鄰夫。鄰有曹 圖爲臺北名勝

詩板橋別墅 板橋別墅爲臺北名園 莊先生爲板橋別墅主人 依舊來青景不

殊。兩山排闥送青來之也。

臺灣詩報

不是新人是舊人，四朝野老劫餘身。有清一朝民主國一朝 日本一朝民國一朝

晴園雅集開梅宴，雪霽詩成筆有神。純青晚年卜宅臺北園 山之隱名曰晴園手栽

梅樹春 開梅宴

重陽就菊約君歸，萬里秋風駕一機。空路安全心莫怯，純青今春自台飛滬自滬飛台 空路絕對安全精神至極爽快申江久客計應非。

能使人之意也消，板橋別墅有頽籬 曰使人之意也消花長月夕迨任遙。昔侵

石徑閒搜句，屐齒双双印板橋。

贈晴園先生 陳少棠

江山依舊路難平，話到滄桑不勝情。眼見四朝成與敗，鳳

毛麟角是先生。

廬榜晴園寓意深，青天白日遂初心。從今好學林和靖，閑

傍梅花覓句吟。
淵源家學棹車書，喬梓相傳大小蘇。惟有嶺南松下叟，至
今猶唱食無魚。

相逢一笑慰平生，傾蓋奇蒙幾次迎。漫說瓊林筵上客，幾人留得校書名。

戊子中秋寄李子寬

同志

陳少棠

一年容易又中秋，皓月常圓不解愁。太惓風光知有限，那堪世態變無休。
山河既復人猶昧，主義雖亡國可憂。但願吾儕齊努力，何須低首向誰求。

白飯吟

並序

黃水沛

夢局見近作十餘篇予雖心緒不佳並無詩興然每誦佳句即不能如告子之不動心夷堅志有云譬如見白飯在地必拾之不必真食之也作白飯吟以自勸

滄海有遺珠，在地無白飯。遺珠不可撿，白飯飽一頓。往者繼人前，粒食安可論。即今戰亂時，足食詎遂願。億兆

無蓋藏，竄什此珍膳。馬氏平淮書，石米錢幾萬。穀賤說傷農，穀貴工應患。海隅產米區，賤貴兩堪歎。何如得楊妹，一笑食可斷。不然精神糧，飽喫庶無恨。

贈李子寬先生

張善

北戰南征車馬塵，了空居士率天真。討袁義憤因稱帝，護蔣忠心存愛民。卅載奔馳在黨國，千秋事跡格神人。論功應得優良獎，青史留芳孰比倫。

十聲詞成寄清敦兄

高文淵

十聲詞成又十聲，秋來易作不平鳴。蔗枝低看燈前舞，天籟虛隨月下生。無可奈何詩寄意，是真難解酒陶情。空山大囀君聽否，弦外管窺一品評。

六三自壽

用杜甫秋興原韻

陳季博

家居梅縣古梅林，門對青山萬木森。溪水前橫清見底，田園廣植綠成陰。祖光道下仁和里，世代相傳道義心。生不逢辰幼艱酷，日持斤斧夜敲砧。

泥瑤瓦屋趁溪斜，室有書齋典籍華。少小啓蒙泛義塾，童稚喜釣戲浮槎。燕韓買斷機中織，庭語頻傳隴上笳。尙憶幼時承母訓，窗前課讀剪燈花。

嘗聞寸草報春暉，愧我年年抱痛微。弱冠粗知民族辨，同盟策動羽書飛。倚門徒令親心惻，投筆從戎本願違。一片丹心惟滅虜，奔波遑問稻粱肥。

民國初成局似棋，異同爭辦不勝悲。黨軍內鬪無虛日，南北相持最烈時。稱帝竊權私慾逞，儲能留學寸衷馳。幸償所願求深造，寄跡東瀛慰我思。

國家多難哭中山，奉命留東組黨間。討逆數年伸大義，效忠十載渡難關。謬蒙特派清餘孽，未建微勞恥故顏。時事日艱惟隱痛，堅持勁節不隨班。

臺灣詩報

自憐傲骨首低頭，六十經過又數秋。百里封侯曾小試，半生積憤又深愁。翔翱空羨雲間鶴，奔逐頻驚海上鷗。白髮結然蓬一老，身纏海外憶中州。

憂勞黨國愧無功，蒼物白雲過眼中。齊變至魯變道，木能化氣氣能風。烏鴉到處皆成燕，野火吹生自發紅。物理人情參悟透，老來垂釣侶漁翁。

指峯秦嶺聽移迤，我愛郊居月滿陂。夜夜蛙鳴喧草徑，朝朝烏語動花枝。家風味時相賞，客地生涯歲兩移。存蓄又逢六三壽，撫今追昔涕空垂。

釜溪別贈祖參師

毛一波

鵝嶺清風許自持，釜溪愁見未多時。携歸莫怪無長物，一紙華嚴半是詩。

那伽窟訪佛生法師不遇

毛一波

瓦屋泥墻十數間，生公說法此開山。却嫌窟窟人來晚，惆悵中林看鳥還。

奉和詩報主筆曾今

可先生書感原韻

黃敦涵

瀛海軍光費巧工，開來把酒憶，簡鄂痛啼毒沫盈蛟窟，遺恨腥體結蜃宮。倚馬我慚生腓肉，聞鑿孰與決雌雄。屈原空有離騷賦，誰拯蒼黎火熱中？

(二)

張善

斬將寒旗涿礪工，佳音捷報付郵筒。勞軍士卒沫紅血，護國夫人赴白宮。萬里烽烟須肅靜，滿城士女盡豪雄？叮嚀莫上邯鄲路，漫復操戈同室中。

(三)

施教堂

閱世何須計拙工，牢愁惟有醉郵筒。關山戎馬傷烽火，荆

棘銅駝憶故宮，無數生靈罹疾苦。幾經塵劫定英雄，民心好惡原天意，今古盛衰轉眼中。

(四)

吳承燕

字字珠璣句句工，新詩且喜寄詩筒。干戈佈滿三徐地，禾黍將悲六代宮。國難惟聞千戶苦，時艱誰是萬夫雄。同舟共濟應知勉，巨浪狂風暴雨中。

(五)

馮可培

浩氣成吟句自工，傳揚不待託郵筒。而今痛洒肝亭淚，何忍追思六代宮？翰墨原難掃鋒鏑，仁慈但望在英雄。先聲後樂惟吾黨，夢醒徬徨午夜中。

創刊詩報志盛

馮可培

半紀劫餘島，漢家文化留。絃歌風雨裏，情意海天悠。舉

世知蓮社，曳裙訪太邱。推蔽疑可問，秋士樂優游。

拜讀今可詞長大作

「亂世吟草」感呈

黃敦涵

失地收回仍飢渴，官貪民悍治猶紛。如君不愧稱詩史，
「餓苦百元米一斤」。糾彈苛政沐猴冠，放利營私不忍看。
羅織獄成空植怨，文人雅譽豈相干？欣將敵愾賦同仇，士
類那堪鋼自由。博得千夫同指摘，當權政闊險蒙羞。南遊
揆被窩蓬萊，舉目何堪蚊似雷。仗義指陳貪墨吏，李唐工
部信詩才。家國安危任仔肩，乘風破浪肯先鞭。雲泥鴻爪
留寰海，滿腹經綸付六篇。自比華胥世上民，秋霜盈鬢髮
初新。名山常接青蓮範，詞藻芬芳欲醉人。

前題

陸晞白

臺灣詩報

「五四」精神注九州，廿年戎馬棄封侯。（先生曾編國家服務各界凡二十年，及寇降，則棄官不仕。）至今蟬蛻無消息。（先生曾有「釋主至」渭水樓題天下變！

其二

書劍天南扶正氣（先生曾主持正氣學社。），隻身砥柱立中流。蒼生未鮮亂離苦，慷慨詩人漸白頭！

前題

李乾麟

南望博雅信吾師，跌岩縱橫筆一枝。弱冠才名驚幕府，頻年嘯傲臥流夷。布衣却納諸疾履，駿骨難逢伯樂知。況復交陽擊鼓鼓，亂離忍讀少陵詩？
淪謫蓬瀛歲屢遷，牢愁滿腹奈何天。文章末路難求活，翰墨多情易結緣。每笑功名無我分，頻施綺綺顧公賢。誰知廣奏鈞天樂，也許巴歌雜管絃。

一三

運糧歎

胥端甫

車軋軋，泥滑滑。朔風凜烈撲面刮。鞭策聲酸不忍聞，頭角有苦誰省察？負重登山齊吐舌，氣喘烟蒸目皆裂。輪敝車夫憊道邊，拭汗自嗟生事拙。我亦停驂細詢繹，諦審再三頻蹙額：『會聞勝利減賦租，軍糧何因更顛迫？夜宿無筵兒倒啼，瘦妻坐擁東方白。起來驅車但出門，那計甕中有無粟麥；寧使全家老少走上飢饉道，不願保甲役吏目怒斥，徵斂無時入載間，人禍天災朝與夕。裝交斗秤大小殊，官家都說罪倉夫，抱頭淋尖徒望眼，不堪賠累暗斤呷。草料兵差尤難計，軍國多需孰慈惠？薄命由來天所生，行將鬻子終年歲。』言罷勞勞自理車，我竟癡然墮潸潸，聽彼怨傷復誰知，前山又報橫路斃，敗政難除時慈艱，地北天南同一例，不如歸去梓江頭，綠窗盡日柴門閉。

臺灣先烈民主抗日

五十四周年紀念

林子惠

抗倭氣節範長留，民主先聲五四秋。可泣可歌懷舊跡，為家為國壯嘉猷。千戈公等誓誅賊，困圍曹恥事仇。（予在抗戰中受日寇拘禁）
烈士在天靈告慰，河山光復我瀛洲。

卜算子

王社

觀嘉義四辭神童會臥石揮毫贊賞之餘作此勉之
卜算子年齡，打量君神氣。十足孩提十足奇，雙絕習繪。
。智慧自天生，世俗人難企。臥石聲名遍閩中，豈祇傳新義！
滿紙見淋漓，雙手藏神祕。鐵畫銀鈎腕底傳，活虎生龍氣。
幼小擅才華，群衆驚奇異愛，如此寧馨聞世稀，幸望多珍貴！

留別北平諸友

賀賜湖

解纜見深情，銷魂別北平。金蘭慚縞紵，明德戰諸君。

策杖去臺麓，寒流向左還，四時宣德意，雪不擁藍關。

榆關懷古

王溫石

長城萬里控榆東，薊北群雄。到此山風急平原駭馬，天
塞絕塞見征鴻。氣吞六國心何壯，威鎮諸夷事總空。荒草
祇餘枯骨恨，驅車聞弔夕陽紅。

元旦

王長春

瑞氣演紛雜管絃，軍光國土樂陶然。安排迎歲今三度，計
劃造林又五年。蓬島風和芳草綠，灤洲日麗碧雲妍。何須
蕭瑟尋春色，戶外青山逼眼前。

旅台書感即呈

曾今可先生

張方仁

世亂紛紜感慨多，布曹心境屈原歌。詩人應慕春秋義，一

臺灣詩報

字赤忱詠太阿。

次前韻

曾今可

生逢亂世感偏多，借酒澆愁合放歌。安得忘情如太上，棄
家高隱玉山阿。

感時

錢歌川

八年苦戰一星灰，勝利歸來戰未停。民不聊生心已去，兵
無門志械何靈？御史捐軀辭漢闕，夫人斲命哭秦庭。可憐
虎蟠龍踞地，鼙鼓聲聲失障屏。

蓬島入冬執事

嚴密

入冬風雨客愁添，輕暖薄寒不着綿。梧桐經秋未凋落，棋
花近歲尙鮮妍。鯉江過客股求舍，粉署微員苦度年。倘有

一五

小民憂計甚，中原回首盡烽烟。

秋居感懷

嚴密

十年潦倒感衰枯，仗劍無從事壯圖。海角西風愁思極，天涯明月夢魂孤。傷情已洒三秋淚，涉世深慚七尺軀。眼底江山無限恨，與齊孰效管夷吾？

十二月十四日郊外尋友歸適新生報陸編輯正平見訪並招飲迎賓樓卽贈

潘哲

爲訪幽樽過野塘，歸來蓬壁忽生光，未炊陶侃雞豚黍，先舉元龍湖海觴，隔院管絃競歌舞，（迎賓樓鄰近有國際飯店娛樂場），及大世界，美都麗等。漫天烽火促流亡，酒酣欲逐霜風去，一試雲衢路短

長。

戰伐頻年故舊凋，欲從文字訂新交，筆當亂世偏宜直，磚遇知音敢惜拋，報國幾人包馬革，覺民有客試牛刀，王師未把中原靖，愁對迎賓樓_{（迎賓樓）}碧玉醪。

前題

周哲夫

與君一見承招飲，意氣高於百尺樓。乍識光風已自醉，渾忘烽火爲時憂。論交甯惜千杯酒？立志不求萬戶侯。亂世功名何足道，詞人恥作爛羊頭。

秋日還家

郭海鳴

馬齒徒增將半百，年來詩酒稱莫逆。桑田滄海幾變遷，自笑癡狂如往昔。米鹽七事不堪聞，今夕開懷浮大白。老妻把酒歡殷勤，兒女款待比遠客。屈指離家僅數旬，緣何消瘦減潤澤。館務不忙俗慮多，旅況蕭條少安適。且謀一醉樂天倫，家釀芬芳勝玉液。花陰人影各參差，飲罷當空望皓魄。

奉和曾今可先生偶

成元韻

李子寬

靈斷吟成一字安，年來此調不曾彈。却嫌規律椎心細，尤覺尖叉門韻難。言放肆時容有忌，身輕鬆處是無官。欣逢海島蒼英會，許並羣豪立將壇。

前題

黃水沛

隨遇書生足自安，世間何事淚堪彈。春回陽復時將暖，靈解水消意不難。與作鷓鴣行惱客，寧從牛馬走爲官。老夫新歲無他樂，一笑先登李杜壇。

前題

郭海鳴

劫餘隨處托身安，舊調姑來試一彈。乞米竟爲升斗累，論詩繡說性靈難。奕棋馬落悲殘局，志館清閒耐冷官。且喜鬚林是非少，不妨角逐上鹽壇。

寄孝強弟

陳少棠

胸懷磊落氣雄渾，爲國勤勞險莫論。抗戰多年勛卓越，天留豪傑救中原。

寄季博弟

前人

流離萬家泣秋風，得意高官喝大同。只恨臨民猛似虎，貪污搜括飽囊中。私囊飽滿走如風，到處民生顛沛同。五十年間掙扎裏，依然火熱水深中。

抗戰軍與余被日寇拘禁於玉里竹東竹南三處半年

前人

重游瑛閣避冤獄，華甲將周歎此身。自古名聲逢厄運，莫須有誤幾多人。

(玉里曾稱瑛石閣)

壯歲離鄉井，馳驅十數年。功名常踏蹬，巖險禍纏綿。
性直人多忌，情真話不圓。問吾心裡事，白日對青天。

長至夜同南都兄遊

北投次韻

林柏壽

白鷺昔田映眼明，霜寒好走入山晴。清樽夜穩圍花醉，寶
藏南與帶海橫。萬事莫論兵動後，一陽終及泰來生。蕭蕭
古木寒風急，更逐江流響纓城。

時局感言

陳逢源

弭兵市議空前夢，國事紛於理亂絲。渡海儘多名士歸，殘
山休建徵人碑。數中殆盡翻新樣，座上衣冠半舊知。時局
面臨將劇變，日舒淚眼待平夷。

時事感懷

謝尊五

殘局江山似奕棋，只差先著判安危。數年家國長鴻燭，一
旦風雲怒馬悲。筆墨無靈空寫恨，文章有價豈匡時。何堪
回首滄桑事，悵觸中宵樹檉噓。

讀亂世吟草

希舜 張善

傷時最愛讀君詩，幽憤增懷等楚辭。國際多端猶惹事，人
情不省急修爲。誅心紙上董狐筆，脫穎囊中毛遂錐。負笈
東都同道友，識荆此日似嫌遲。

拜讀曾今可先生亂
世吟草此書名已使
人觸目驚心賦呈短
句以誌欽敬

石中英女士

珠璣滿幅今工部，蓬島婦孺識大名。亂世史詩含血淚，教人觸目便心驚！

今可先生任省通志

館主任秘書以新著

「亂世吟草」見贈却寄

劉仰山

北伐當年數俊英，功成何意以詩名。東遊幾首多才調，南社一言得定評。筆不輕諷人始貴，篇皆孤憤世尤驚。蓬萊文獻經秦火，喜見燃黎眼為明。

讀今可詩家亂世吟

草感賦 (步自題韻) 王 祉

臺灣詩報

殘民以逞不會聞，長見冤魂察兩聞。慘淡至斯愁極目，太平何日喜開顏！滄桑多故人同苦，書劍無成我亦艱。但願牛刀能小試，試將敢類一齊刪。

寄章行嚴

薛大可

昔年共聽巴山雨，今日同登范蠡舟。入蜀詩篇傳衆口，過江人物幾名流。史公自有千秋筆，魯仲何須萬戶侯。滿腹經綸袖雙手，坐看龍虎鬥神州！

公餘行獵

任先志

中原遍地起狼煙，投筆從戎去戍邊。壯志未酬傷李廣，南山射虎遺餘年。

臺灣吟

大月山樵

本是尋常一海濱，何曾漁父話迷津。分明相見皆親友，疑是桃花源裡人。

贈張善先生 征鴻

張氏稱豪士，何曾與俗同？懸壺爲世濟，潛手補天功。著談今古外，詩文指掌中。蓬萊多俊秀，欣識快吾衷。

謹和曾今可先生

近感

陳定國

詩人多感百篇工，亂世吟成貯錦筒。佳句應堪傳萬代，忠言實足警深宮。河山破碎希圖治，家國傾危尙競雄。億兆蒼生沉苦海，望登彼岸有無中。

又

上海分社 張方仁

起伏峯巒點染工，有懷傾訴藉蕉筒。青山含笑邀新月，綠水凝怨映故宮。燕趙悲歌憐俊傑，楚秦爭奪自英雄。滬台詩與交流日，博得融和一字中。

又

上海分社 鄭寶瑜

衆口爭傳大筆工，海天萬里報郵筒。鯤溪又化飛鵬地，臺島旋成折桂宮。杜老感時空潸淚，顧公憂世可稱雄。分明詩畫傷心史，堪繪生民水火中。

元日書懷

陳定國

六八春添幸健存，晨曦普惠到柴門。立身祇自臨陽愛，處事惟知道義尊。終日營謀非所計，浮雲富貴更何論？餘生恬淡行吾素，手執殘書一卷溫。

感呈彰化市長

陳錫卿兄

黃憬

草草南征計總非，誰從江海開烏衣。獨勞車騎頻相過，浪負才名亦自譏。醇酒肯緣狂士說，焦桐敢認魯音彝。龍騰欲去添惆悵，爲感高情未忍違。教育部補助

國政參事 貳月陸日 購買

感時

上海分社 朱銘新

烽火連雲關兩京，軍前籌策決輸贏。願憑商議衍和戰，欲挽天河洗甲兵。佐楚無人空白骨，安劉失計誤蒼生；大江東去悲離裏，嗚咽濤聲訴不平！
十萬大兵不解圍，罔知箕豆本相依。分明天煮玄蚶測，收拾人心計已非。劫過紅羊休北顧，枝空烏鵲止南飛；中宵搔首窺尾象，月黑天高掩紫微。

書感

曾今可

和平在望忍無言？漫擬窮途乃叫囂。詞感帝王今昔異，氣衝星象鬼神喧。共濟文字工何益，不信刀兵亂可尊。客裡殘年添感慨，又傳烽火近都門！

奉和今可先生書感

大作原韻

李子寬

浩劫臨頭未忍言，敢將人事叩天關。燎原星火終成患，無告哀黎始共喧。鵝蚌相爭誰得利？虎牛互鬥孰為尊？

(虎牛互鬥事出)
(明有部附錄耶藏) 閩地兄弟同歸好，靈靈祥雲罩白門。

步曾今可詞兄偶成

玉韻

張善

欣逢仁政使民安。何必臨歧別淚彈？此日不除貪暴軍，將來但恐治平難。相期夫惑成廉吏，自可畏知作好官。惠我春風東海遍，喜教花筆燦詩壇。

前題

李騰嶽

誰道遼東管幼安，雍門翻笑淚空彈。紛紛世事偏餘累，潦倒生涯却自難。報國文章揮史筆，憂時臆論媿言官。最欣翰墨姻緣在，風雅共推李杜壇。

夜不寐

王師復

千崖隕色壓江城，坐擁青燈接太清。星簇精靈開戰鼎，月
翫魂夢誤歸程。所志直納彌天劫，欲結猶孤不世盟。儻向
玄黃安齋我，剝山風雨一倉庚。

舟抵基隆口占

陳俊雄

四山雲樹播鄉夢，萬壑煙波盪客愁。蓬島群真齊拍手，
「狂奴歸帶一天秋！」

新婚誌慶

陳聯滄

牛耳金龜索碧除，諸羅原屬古名家。向平願遂餘慶大，卜
世馬添CL4，鸞鳳和鳴喜克家。此日堂中多瑞彩，洞
房天，梁孟齊眉舉案賢，桂馥蘭馨期可待，
白館，
森書，
斯圖，
閑家，
國



002577571

依法聲請登記

臺灣詩報創刊紀念

楊爾材

鼠竄牛來上五辛，詩壇旗鼓喜重新。文章無力消兵燹，山
野有靈發鬼磷。屈子問天顛當哭，玉郎吹地醉彌曠。生逢
亂世如蠻觸，蝸角相形寄此身。

前題

杜鹿笙

以烽煙遍地之日，適為台島之遊，遠自冰寒雪虐之區
，蒞此水秀山明之境，行跡之奇恍若夢寐。前在塞外
時，每孤吟自賞，今抵台甫數日，而發現有臺灣詩壇
，更獲加入新盟，爰成詩二章，以誌吾道不孤。
又作人間夢一場，年來行止幾滄桑。久看荆棘無全土，不
信桃源在此鄉。求福自多羣失馬，補牢應責悔亡羊。緣何
海晏河清日，猶是酒酒勢若狂？
杜陵夙具傷時感，落落吟懷強自寬。詎有閒情留紙上，更
難給思現毫端。昔年每恨金甌缺，此地何期破甌完。遊子
遠來矜有獲，遐方忽得見吟壇。

每冊零售

台幣一千元
金圓十元正